

# QUÆSTIO MEDICA.

*Quodlibetariis Disputationibus manè discutienda in Scholis Medicorum, die Jovis vigesimo quarto Januarii.*

M. ANDREA DELALEU, Doctore Medico,  
Præside.

*An spiritus sint ab aëre diversi?*

I.

**A** Motu & figura, vim omnem suam natura mutuatur; sæpius à figura motuum species; sæpius etiam à motuum varietate, varietates figurarum ducunt originem: ex isto duplici principio nascuntur omnia corporis humani phenomena. Torquentur liquida motu celerissimo à centro ad peripheriam, & rursus à peripheria ad centrum remeant: istis impulsu solida, motibus innumeris aguntur: validis, remissis, directis, obliquis, circularibus: modò antiam prementem, modo spirantem imitantibus: partes aliæ aliis ita coherent, ut dum moventur, antagonistas habeant, quibus sit earum & validior & certior imperus: sibi subjectas assidue comprimunt, expiuntque ex innumeris machinulis liquida intra illarum varios anfractus & sinuosos flexus secreta. Liberatur corpus hoc artificio pondere particularum, quæ suâ præposterâ, & dissociabili figurâ, turbas in puriora liquida intulissent. Exhalant hæc, jugi & cæteris excretionibus copiosiori transpiratione: succi diversi ex hoc fonte seaturiunt, quibus varii, in cætera liquida, sapores inferuntur. Solida cum liquidis æquam & mutuam habent rationem, alioqui sine lege fierent secretiones, functiones collaberentur, rueret tota machina. Par est ratio diametri vasorum liquida emittentium, diametro excipientium, ratione liquidi compressilis, & roboris fibrarum, ex quibus contextitur; diameter quidem ventriculi dextrî cordis, in sinistrum sanguinem emittentis, amplitudine sinistro major esse videtur, sed robore longè minor, nequè tam altè excavata. Sanguis qui præter omnia liquida expansionem & constrictionem pati potest, ventriculo sinistro maximè comprimitur, ut eadem quæ parentiori spatio concluderetur liquidi quantitas, angustiori, ut videtur, faciliè coëscatur. Sic arteriarum tubuli tubulis venarum magis exiles, eandem liquidi continent mensuram, quam hæc ab illis accipiunt, velocitate quâ torquentur liquidum, exilis diametri ratio quoque suppletur, cui adjungenda etiam facilitas, quâ sanguinis moles constringi potest: vehementiori rapitur impetu in arteriis, in venis remissiori. Ad glandulas allapsus per arterias insignem patitur jacturam: ab insensibili transpiratione minuuntur in venis motus gradus resectâ molis liquidi quantitate: eadem tamen celeritas perseverat quâ per arterias ferebatur, quia eandem remeando per venas peragrat itineris longitudinem quam commendo descriptur in arteriis: sensus fugit ista celeritas, quia venarum quam arteriarum alveus amplior est: deducit illa rationem suam simul & à motus gradibus & à mole corporis mobilis: paucis motus gradibus celeritè fugit globulus emissus è sclopeto, qui sub sinem imperus videtur quiescere: globuli major explosus è tormento bellico, vel quiescens obvia quæque sternit. Istis rationibus erumpunt stupenda phenomena: vita, sanitas, robur, pulchritudo, vis motrix, quibus, quia communia sunt, minus afficimur: hinc ad motus liquidorum & solidorum inter se, sunt merito corporis functiones referendæ.

II.

**ALIUNDE** ne deduxeris animalium operationes, quàm ex legibus mechanicis: figuris, magnitudinibus, rationibus diversis ad mathematicam diligentiam exactis, texturis & innumeris motuum determinationibus: Ex isto censu commodè sensationes; à principio spiritali ducunt originem, à materiâ ex occasione tantum; morbis solvitur hominis compages animâ

illata, quæ idem nihil ad vitam conferre videtur; sit materiale principium, de quo inquirimus, infusum in intima partium penetralia; sit actuosissimum, ob velocitatem, vehementiam actionum, & perennitatem. Par erit istis conditionibus, una quædam subtilis materies, maxime volatilis, mobilis, & ingenti prædita elaterio, spiritus hanc dixere Medici; plerique perperam illos erant de sanguine cor vel pulmones præterlabente, qui assiduâ fermentatione in tenuissimam substantiam facessat. In solidis vitam non quaeris, ab alio motore principio functiones exoriuntur, solis insect fluidis istud vitale principium succo a. woso, plus minusve resinoso in vegetalibus involutum, sanguine, succo nutritio seu nerveo, solidorum vesiculis impactum: hæ sunt brutis & hominibus leges communes: his solis anima rationalis concilla est, illis negata, negata quoque fuit eorum, quæ illa sentiunt, vera cognitio: hanc qui concedunt animantibus, & rationem concedant necesse est. Solo evolvitur principio materiali organica machina corporis in utero: eo duce, edita in lucem, adolescit, movetur, nutritur, obit functiones: liquidis solida moventur; liquida solidis compressa, comminuta innumeris elateris sunt vivida, actiosa, ita ut minimos recessus possint permeare.

## I I I.

**A**TQUI solus aer, illud est, quod quarimus principium movens, motum qui sibi à Deo concessum, cæteris corporibus communicat. Hinc solus est anima naturæ, & summa potentia, Aëris operâ mercurius, cæterique liquores in tubum ascendunt; dissiliunt durissima corpora; duo lævia marmora, aut duo plana hæmisphæria non nisi ingentibus conatibus ab invicem possunt distrahi. Hausto aëre celeritè retrahitur in embolum epistomio Machinæ Boylianæ: manus intumescit admoda ad recipientis orificium; & nisi externo aëre rursus introducto, ab eo tolli non potest: aqua ad certos gradus intrâ machinam descendit: solo pondere aëris & elasticâ virtute Sclopterum Pneumaticum lethales globulos emittit: intrâ corporum recessus, & minimos meatus latitat internus aer ab externo minimè coarctatus, cujus sublati pondere in libertatem se vindicat, ex oleis, spiritu vini, caribus, fructibus, viole farinaceâ, educto è machinâ aëre, plurimùm factitii aëtis erupit, quo mercurius ad summam altitudinem sublati est. Aer egressus ex pisces viridibus ad XXX. digitos intrâ XXIV. horas: Ex siccis fructibus, ut vis, ficubus, ad VI. tantùm intrâ unum mensem. Ex novis nucibus per duos menses ad XX, ex pisces contritis ad centum intrâ duos menses mercurium exulit: parùm aëris emittitur ex lacte & urinâ, ingens copia ex sanguine calido, præcipuè arterioso, ex carnis putrescentibus quàm maxima dum plantæ & animalia crescunt, nutriuntur: & assiduè spirant, aer devchens per tracheas succum nutritioni in substantiam illorum se inserit, sic inspiratione perpetuâ intrâ pulmones animalium ad sanguinem & carnes illabitur, qui quidem aëris ingressus per pulmones in vasa, probatur multis experimentis; sed & etiam permixtus alimentis, in sanguinem circuitiōi dicata cum chylo infunditur.

## I V.

**H**AUD ineptè conijcere est aërem ex lamellis ita flexilibus constare, ut tredecies, & juxta quosdam etiam septuagies extrâ statum naturalem comprimi possit: tantundem quoque resistit, ob densam firmamque laminarum texturam: intrâ liquidorum & fluidorum fibras & meatus conclusus hic unicus, & universalis motor vim suam exerit: compressus ad certos gradus pondere liquorum (pondus istud augetur in immensum velocitate, quâ liquida intra tubulos torquentur) vim sibi illatam, quasi collectis viribus repellit: excurit magno impetu moleculas prementes, quo adactum pondus earum rursus laminas comprimit. Sic reperias motum alternantem, & vetum antagonisum intrâ moleculas liquidorum, & spirales laminas aëris. His motibus in minimas particulas, sales, sulphura, aqua & terra sanguinis comminuantur: his adde vim comprimentium musculorum cordis, abdominis, pectoris, &c. quibus & liquida, & moles interni aëris vehementissimè urguntur, sic utraque liquidi species vicissim compressa, & resiliens velut ætèrno certamine conflictatur. Deduxeris ab eo fonte solutiones, effervescentias, fermentationes, præcipitationes, tam naturales, tam chymicas. Deduxeris functiones corporis partium motum tonicum, penè ad leges mathematicas: inutitum ab utribus sejunctionem, illorum præcipitationem, aut exhalationem per urinas, per sudores, per insensibilem transpirationem, succorum secretiones per maxillos glandularum; peragitur & alia lucta aëris liquidis coerciti, cum aëre intrâ membranarum fibras aut vesiculas spheroidales musculorum. Alternis moribus solida comprimunt liquidorum aërem, & ab eo comprimuntur, Elaterio sibi nativo expansus aer parietes vasorum, quibus liquida continentur, diducit, ut diameter eorum fiat amplior: solida aëre turgida vim repellunt, & eodem impetu comprimunt, quo succant compressa, câ ratione spumans sanguis exilit è corde, ubi vividus sustinuit ejus impetus, & elaterium suum exerit in aërem intra fibras ejusdem conclusum. Istis motibus calor vehementissimus in solidis & liquidis accenditur, qui alienus non est ab his motibus: at calore ita crescit vis aëris elastica, ut aquâ fervidâ rarefactus, sustineat mercurium X. pollicibus, aquam verò XI. pedibus cum VIII. pollicibus, aliud quàm pondus totius Atmosphæræ, quam semper su-

perabit, si cohibeatur, & ipsi denegetur se expandendi libertas; si contra concedatur, virtus ejus augebitur tantum ad tertiam partem molis illius. Calor ignis longè potentius quam aqua calida vim aeris incendit, quæ frigore aded remittit, ut quatuor pollicibus minus quam Atmosphaera aquam sustineat. Ingremem vim, ignis calore adipiscitur minima moles aeris in paucis pulveris, pyrio conclusa: hinc collige calore corporis plurimum eam vim crescere. Vividos esse homines, quorum sanguis calidior est, quorum frigidior, torpidos esse & desides.

Motuum corporis rationes Physici & Medici evolvere & solvere conati sunt, sed quam inselicitè! Ex aeris hypothese quid evidentiùs? Sanguis & succus nervus seu nutritius ipso aere tardidi, ad musciculum per vasa propria allabuntur, subeunt totam ejus substantiam; vesiculas musculi sphaeroidales longitudinalibus fibris & transversis, se invicem ad parallelogrammata intersecentibus compactas, ingreditur succus nervus, mox à ramulis valorum lymphaticorum excipiens: hæc sunt mollioris & delicatioris textura, quam nervi qui validam à durâ matre acceptam membranam ubique præ se ferunt. Arteriæ quoque nullâ è quatuor suis tunicis spoliantur; unam è suis tribus venæ in musculo amittunt, quam nisi è musculo egressæ non recipiunt: quo fit ut nec vasa lymphatica, nec venæ pares sint sustinendo impetu, & duræ matri succum nervum à loco superiori per nervos detrudentis, & cordis, sanguinem per tubos quasi cartilagineos, & elasticos, id est arterias per declivia contorquentis. Fontes aquæ salientis celeritatis: in ventrem musculi facili & pleno sumine illabitur, proprioque pondere, & celeritate quâ torquetur, venæ mollioris parietes comprimit (idem dixeris de nervis, & vasis lymphaticis) hinc revocare gradum, atque ex eo labyrintho se extricare, hoc opus, hic labor; nullus per arterias remandens locus est, novo sanguine desuper urgente: vix præbent venæ angustum, & maxime coarctatum aditum: premuntur istâ magnâ copiâ sanguinis vesiculæ sphaeroidales aere plenæ cum succo nerveo per nervos delapso, qui tantum resilit, quantum comprimitur. Calor ingens eo motu alterante accenditur, quod magis ac magis utriusque aeris nervi, & sanguinei vis elastica crescit & explicatur. Vesicularum passivus est aer Sytles tempore: nempe ubi cor in musciculum adigit sanguinem activus est, & resilit tempore Diastoles, ac vim sibi illatam repellit. Hoc intestino certamine sanguis exagitur, torus turgescit, intumescit, & musculus, in cuius latebris sic aer luctatur, quantum fibrarum ejus robur pati potest, caput musculi ad caudam accedere necesse est, & trahi pondus appensum, ligaturâ vel abscissione nervi, aut arteriæ perit musculi morus, perit & nutritio: hæc mechanica, vesiculæ figuræ parallelogrammatis, appenso pondere, quantum possunt accedunt ad figuram ovalem. Quis inficietur ex spirandi necessitate omnes animantium functiones ab aere proficisci? Ut quid in carnibus & sanguine tantâ copiâ continetur? Ut quid ducto aere, & functiones statim collabuntur, & citò vita extinguitur? Ut quid languido animali iterum concessis aër restituit functiones tutius & celerius, quam spirituosus liquor homini syncope correpto? Aer velut nova anima se toti liquidorum molli statim miscet. Viperæ, bombyces & alia plurima insecta, dorso oleo delinito, citò lethali paralyâ afficiuntur, & intereunt, quia cor ex aliis pluribus minimisque cordibus constructum à capite à caudam secundum dorsi longitudinem protenditur: immittunt pulmones ad singula corda, valorum suorum furculos, quorum insigniores hiant in intestina, & illorum quisque fungitur officio larygis, quo per totam animalis substantiam aër diffunditur: Obstratis olco istis ductibus, aëri ambienti negatur ingressus, & statim corruunt animalis functiones. An non reliqua corpora conserunt ad motum corporis, imò ipsius aeris varias determinaciones? Fatemur, principium inquirimus, cui Deus motum aliis diversâ ratione communicandum concessisset: at illud solus est aer, qui cæteris sic videtur motum impertiri. Lamine ejus spirales vel ipso Atmosphaeræ pondere, vel ita Deo volente maxime comprimuntur, ut vim patiantur: summo impetu in spatium crasso aere vacuum aer ambiens irruit, ut non parò vas confringatur: enituntur hæc laminæ, quantâ vi possunt, in libertatem se vindicare, quam adipiscuntur remore pondere quo premuntur, ut pater in flaccida vesica, cujus collum constructum est. Quæ superest minima quantitas crassi aeris in sinu vesicæ conclusa, aut ad ignem admotâ, aut in montium altissimorum verticibus, aut in Machina Boyleana, tanto nisu expanditur, ut aliquando vesica dissiliat, quæ immisso aëre statim detrahitur. Ingentibus istis laminarum conatibus tota moles perpetuò movetur, motumque cæteris quibus miscetur corporibus impertitur, unde illorum fecunditas, generatio, nutritio & interitus. Hinc aqua exhausto aëre, doctibus suis spoliatur, neque potest sales solvere, neque pisces nutrire, atque instar liquati plumbi aut mercurii phialam quassatam frangit.

Ex incommodis spirituum à sanguine oriundorum, plurimè lux accedit ad aeris hypothesein; sales, sulphura, aqua, & terra à guinis, oblati omni prorsus laterio, tot motuum elasticorum causa forent? Sal & terra gravia sunt, sulphur ramosum & vit idum, terra crassa, aqua sangui-

mus exhausto aëre iners est, gravisque ut aqua communis & torpida; partes aquæ sunt determinate figuræ determinatis poris accommodandæ. Spiritus subtiles sunt, volatiles, nullius figuræ tenaces, & omnium capaces, ut pares fiant tantæ motuum varietati, totque discriminibus; quæ omnia in aëre solo reperias.

## V.

**E**RGO aër primum est omnium functionum corporis principium, aliique præter ipsum non sunt spiritus. Neque hic nova dogmata proferimus. Mortalibus, inquit Hippocrates, vitæ & morborum ægrotis solus aër est autor. . . . Non aliunde uiquam verisimile est morbos evenire, quàm ab aëre, si is aut plùs aut minùs, aut cumulatior, aut morbidis sorditus inquinatior in corpus se ingerat. Aër, inquit idem alio in loco, sapientiam (intellige, exquisitum perspicaci scriptori nisi Machina Boylianæ similis deesset, ut Experimentis confirmaret, quod vivido ingenii lumine fuerat assequutus? Paret istà doctrinà, eorū mutationes, aëris mutationibus patiantur nostra corpora: Cur alienus aër imprimis rusticus sub cælo puriori tantam aëris afferat utilitatem: Cur morbi quidam in eo ubi nati sunt aëre pertinaces, facili in peregrino evanescent, aut saltè miteſcant. Regionum locos in quibus morbus consistit, in quantum fieri potest, permutare oportet. Quorū diligens & studiosus Medicus ex isto doctrinæ capite, quantumvis theoretico commoda perciperet? Ars meditatione, non libris promoveatur; ex istis imbibuntur errores alieni, qui cum juvenibus adoleſcunt, & à quibus senes recedere pudet, curpes servos autoritatis.

Sed, inquires, sunt motus corporis à centro ad peripheriam, ac nullam aër, & omnia proſus liquida determinationem habent specialem, preſunt ex æquo in omnem sensum, & viam suam exerunt.

Istud de aëre libero confitemur, aër corporibus intricatus ex eorum occurſu varias subit determinationes.

Urgebis. Calore angetur aëris elaterium. Pisces Tractûs Borealis, reptilia, quorum frigidus est sanguis, cæteris annuantibus celerius moventur, edunt progeniem numerosiore.

Eſto. Sed pondus aëris & elaterium nunquam pro tractibus terrarum immutantur; utrumque par est absque calore, movendo piscium & reptilium corpora, quorum ita partes aptatæ sunt, ut facili motu levissimo conſequantur: Juvat istam mechanicam in piscibus, corporis ipsorum & aquarum levor, intra quas labuntur perniciosissimâ velocitate. Infantulus pondus, quod mille hominum vires superat, pluribus trochleis & rotulis appensus, ludens movebit; adde quod non satis constat de frigore, aut calore piscium & reptilium; calor & frigus oriuntur, aut à motus determinatione, aut à quiete, quibus relativè tantum nostri sensus afficiuntur. Certum est denique piscium majorum, etiam borealium, ut Turſionum, & Cetorum, calidissimum esse sanguinem.

*Ergo spiritus non sunt ab aëre diverſi.*

**Domini Doctores disputaturi.**

*M. Petrus Afforty.*

*M. Andreas Delalieu, Aitâs  
Præſes.*

*M. Claudius du Fresne.*

*M. Philippus Hecquet, Scholæ  
larum Cenſor.*

*M. Claudius - Antonius Renard.*

*M. Philippus - Bernardus de  
Bordegaraye, Pathologia  
Profeſſor.*

*M. Joannes-Baptista Chomel,  
Medicus Regis ordinarius,  
& Regiâ Scientiarum Aca-  
demiâ.*

*M. Franciscus Bailly.*

*M. Jacobus-Simon Gilles de la  
Riviere.*

Proponebat Parisiis **JOANNES - BAPTISTA FAUSTUS  
ALLIOT DE MUSSAY**, Parisinus, Baccalaureus  
Medicus, A. R. S. H. 1715.

Typis **JACOBI QUILLAU**, Universitatis, & Facultatis Medicinæ  
Typographi.